

金史紀事本末

金史紀事本末卷七

馳封資政大夫特賞內閣中書前江西峽江訓導薛鄉李有榮編纂

宋帝北遷 和議附

太宗天會五年即宋欽宗靖康二年也 五月以後高宗改元建炎

春二月丙寅詔降宋二帝為庶人 攷異陸游老學菴筆記云靖康二年

浙西路勤王兵杭州二千人湖州九百一十五人秀州七百一十六人平江府一千七百三十八人常州

七百八十五人鎮江府一百一十七人一路共六千七百五十四人以二月七日起發東都之陷已累月矣沈良

靖康餘錄云二月六日宣金主詔即丙寅何烈靖康

草史作丁卯疑誤繫年要錄載詔畧曰賂河外之三

城既而不與結軍前之二使本以間為既為待罪之

人盡為異姓之事所有措置條件並已宣諭元帥府

施行高慶裔宣詔訖蕭慶昶帝易御服時在端誠殿

丁特起泣血錄云金去赭袍悉皆搶裂宋史紀事本

金史紀事本末

卷七

末云時范瓊刼遷上皇及宗戚等三千人如金軍獨
元祐孟后以廢居私第獲免開封尹徐秉哲奉金命
盡取之下令五家爲保毋得藏匿且使衣袂相聯屬
以徃俞文豹清夜錄云時上皇將赴金軍中書舍人
姜堯臣極諫番使以骨朶摩之死南宋書云初索教
坊妓女至皆泥首垢面秉哲令盛飾登車內侍梁平
指言宮中珍玩鄧述具錄妃主秉哲皆奉文搜括無
一得脫上皇幼子藏民間亦搜出一切徵索皆其經
營自旦至暮指顧誼呼不勝其勞人皆服其才而嘆
其恃時官開封少尹淄人靖康要錄云御筆賜秉哲
曰朕之宗廟二百年矣爲闖監姦臣敗壞朕父兄弟
姪致無所歸令秉哲多出文榜曉諭軍民善事新主
指揮左藏庫支錢一千貫買針線瓜菓齋來并衣物
皂角二月二十三日本虹貫買針線瓜菓齋來并衣物
等處鎔金銀共四千爐靖康要盟錄載諸帝姬之名
甚詳陸游老學菴筆記又云時二帝播遷有小崔才
人與道君幼子廣平郡王匿民間五十日金亦不問
有從官饒以食遂爲人所發亦不免不十日敵去矣
城中士大夫可義至此金人刼遷宗室我有司不遺
餘力然比其去義士匿之獲免者猶七百人人心可

知潘永因宋稗類抄云京城不守王時雍搜取婦女
與敵人多爲都監王殊藏匿事露思陵欲誅之王子裳爲
御卿爲營教以陳公密研爲謝所謂熨斗焦者成一
黑龍奮迅之狀二鵲鴿眼以爲目遇陰晦則雲霧興
政和間歸內府祐陵置於宣和殿爲書符之用李心
傳朝野雜記云靖康之變六宮皆北去惟先朝嬪御
得免高宗建永慶院以處之繫年要錄云鄆王楷等
三十餘人同詣青城見洪邁欽宗實錄恐誤要錄又
云金索宗室莫儔勸取玉牒則得實數侍郎邵溥及
黃哲匿之給以被焚疏屬獲免大金國志云宗族自
太子諱外王公如鄆王楷等二十四人妃嬪王夫人
十六人帝姬十五人諸姬二千二百餘人絹五千四百
萬疋金三百萬錠銀八百萬錠大物段子等千五百
萬匹寶印二十九顆宣和錄又云內侍鄧珪降金一
切呼索皆其謀珍珠四百二十斤北珠四十斤西
海夜明珠百三十八个玉六百二十斤珊瑚六百
斤瑪瑙千二百斤祖宗二百二十斤蓄積掃地盡矣夏少
會朝野僉言云內侍王仍等亦說粘罕盡取庫藏周
輝清波雜志云政和三年間府畿汝蔡之間所出

金史紀事本末

卷七

二

瑪瑙尙方因製作寶帶器玩之屬至宣和以後御府
所藏往往變而爲石成白骨色悉爲棄物民間有得
之者竟莫測所以特記異爾周密志雅堂雜鈔云宜
和殿所藏殷玉鉞長三尺餘一段美玉文藻精甚三
代之寶也後歸於金今入元每大朝會必設於外庭
續通考云金璽寶獲於宋者玉寶十五金寶七印一
金璽銀寶五玉寶內受命二寶及傳國鎮國二寶詳
卷五餘天子之寶一皇帝信寶一皇帝行寶一皇帝
之寶一皇帝信寶一皇帝行寶一皇帝恭膺天命之
寶二皆螭紐御書之寶二龍紐一螭紐宣和御筆之
寶一螭紐金寶并印者天下同文之寶一龍紐御前
之寶二御書之寶一宜和殿寶一皇后之寶一皇太
子寶一龜紐皇太子如印一龜紐金璽銀寶者皇帝
欽崇國祀之寶一書詔之寶一合符之寶一御前之
前錫賜之寶一書詔之寶一御書三御筆一御府圖
十八內府圖書之印一御書三御筆一御府圖書印
御寶一天子萬年一天子萬壽一龜龍上珍一河洛
元瑞二雲漢之章一奎璧之文一華國之瑞一大觀
中秘一大觀寶篆一政和一宣和一大寶和一宣和
和中秘一大觀寶篆一政和一宣和一大寶和一宣和
和和中秘一大觀寶篆一政和一宣和一大寶和一宣和

和書寶一常樂未央一古文二封共三十五面並瑪瑙政和御筆一係水晶品又
封字一御書一圭一白玉圭一十一面並瑪瑙政和御筆一係水晶品又
元圭一白玉圭一十一面並瑪瑙政和御筆一係水晶品又
和自元符間得漢傳國璽因爲受命寶又作鎮國定
命二寶共號九寶京城破自定命寶外悉爲金所得
而大宋受命之寶邵澤民侍郎給以隨葬乃得全邦
昌復辟奉寶歸高宗玉海云靖康二年四月謝克家
齋至大元帥府紹興元年五月內殿宣示視定命寶
猶大牛分玉甚明潤追琢精巧玉海又云初東京渾
儀凡四至道儀在刻漏所皇祐儀在翰林天文院熙
寧儀在太史局元祐儀在合臺每座約重二萬斤城
破皆爲金所索揚州之陷也呂頤浩得渾儀法物二
事片諸朝嗣後折半但用銅入千四百八斤有奇卒
不就趙姓之遺史云唯開封府提事使寶璽不忍以
大宋宗族交送敵人自縊死袁氏楓窗小牘云李後
主手題梁孝元與王仲宣在荊州焚書事作詩曰牙
雲萬軸裏紅綃王粲書目付火燒不是祖龍留面目
道編那得到今朝書卷皆薛濤紙所抄惟今朝字誤
作金朝徽宗惡之用筆抹去後書竟如議入金也又
云洪駒父才而傲比汴京失守粘沒喝勾括金銀弱

父以奉命行事日惟觴酌幸醉中不見此時情狀竟
爲網紀自利峻於凌索坐貶沙門元好問中州集吳
學士激時亦北遷見故宮人賦詞獨之云南朝干古
傷心事猶唱後庭花舊時王謝堂前燕子飛向誰家
恍然一夢仙肌勝雪宮髻堆鴉江州司馬青衫淚濕
同是天涯詞寄人月圓容齋隨筆云先公在燕山赴
侍御張總家集出侍兒佐酒乃宣和殿小宮姬也激
爲作詞聞者揮淚詞內字小異續通考云激字彥高
建州人米芾壻使金見留官翰林夏四月丙戌宗翰
學士出知洙州有東山集十卷
宗望以宋二帝北歸攷異宋史紀事本末云四月幹
馬公主妃嬪及康王母韋賢妃康王夫人邢氏等由
滑州去粘沒喝以帝后太子如嬪宗室及何處孫傳
等由鄭州去沈良靖康遺錄云北狩分四路上皇景
肅諸王爲一處上及太子燕越二王爲一處太長帝
姬從鄭皇后爲一處袁氏樞密諸王從朱皇后爲一處諸
駝馬別爲一處袁氏樞密諸王從朱皇后爲一處諸
廣中美人蕉大都不能過霜節惟鄭皇后宅中鮮茂
倍常盆盎溢坐不獨過冬便能作花此亦后隨北駕

美人憔悴之唐也薛應旂通鑑云上皇離青城金以
牛車發百乘載諸王後宮皆胡人率駕不通華言至
邢楚問郭藥師迎謝上皇曰天時如此非公之罪藥
師爲之退幹離不又請王婉容位帝姬與姑沒喝次
子爲之帝自離青城頂青毡笠乘馬後有監軍
隨之每道一城輒掩面號泣至代勝茂實請俱行不
許道度太和嶺至雲中太和嶺亦曰太和巖在雁門
山時定遠太守在衛欲渡河據金歸路還二帝弗果從
行若叔夜至燕山相繼卒梟字文縝仙井人舉進士
第一從官宰相因議立異姓不食死後贈開府大學
士爲字伯野海州人舉進士中詞科歷右丞同知樞
密院監國用郭忠定史臣謂欽宗再幸金營桌實誤之
傳云太子在金營謀奉弒聖子監國道亡歸事泄被焚死
靖康野錄云與叔夜送以太子監國傳爲留守及太子出
傳不與國與叔夜送以太子監國傳爲留守及太子出
之遺等又云傳既遣皇族出城尼瑞哈令至青城見
上謂曰相公斷送我一門家眷傳無言而退林泉野
記謂亦不屈卒附傳謂不知所終曹勣北狩見聞錄

云太子求王婉容爲粘罕子婦婉容自刎死上皇
制與粘罕曰願以身代嗣子遠朝闕庭卻令男某等
乞一廣南烟瘴郡奉宗祀終天年某卽分甘斧鉞一
聽大國之命自製表焚之聞邦昌僭位泣下霑襟明
日有臣進詩曰伊尹定歸商社稷霍光終作漢臣隣
上皇罵曰待其歸時吾已在龍荒北矣至真定二太
子請看打球求御詩曰錦袍駿馬曉棚分一點星馳
百騎奔奪得頭籌須正過無令撥棹入紉門勛字公
顯陽翟人岳珂程史云康與之有題微祖御畫扇詩
曰玉輦宸游事已空尙餘奎藻繪春風年年花鳥無
窮恨盡在蒼梧夕照中高皇見之一慟而已余嘗見
王盧溪作宣和殿雙鵲圖詩曰玉鎖宮扉三十六誰
識連昌滿宮竹內院寒梅欲放春龍池水暖鴛鴦浴
宣和殿後新雨晴兩鵲蜚來東向鳴人間畫工貌不
同君王筆下春風生長安老人眼曾見萬歲山頭翠
華轉恨臣不及宣政初痛哭天涯觀畫圖許詩話云
宣和初何桌官中書舍人賜御畫雙鵲圖諸公多賦
詩校書郎韓駒子蒼亦賦詩二章曰君王妙畫出神
機弱羽爭巢占時想見春風鳩鵲觀一雙飛上萬
年枝舍人簪筆上蓬山華路春風從駕還天上飛來

兩鳥鵲爲傳喜色到人間周密齊東野語云豐縣姚
孝錫字仲純宣和登第調代州兵曹改五台簿不仕
因家焉治生積粟至數萬石遇饑出以賑鄉人德之
日放浪山水詩酒間自號醉軒著雞肋集有題滕茂
實詞曰本期蘇鄭共揚鑠不意芝蘭先後凋遺老只
今猶涕淚後生無復識風標西陲雁度霜前塞潯水
橋爭日暮橋追想平生英五月庚寅朔宋康王構卽
偉魄凌雲一笑豈能招八改異靖康要錄云康王
位於歸德自金歸上甚喜賜予良渥加太傅制曰皇
弟某德宇清深風度凝遠出神明之胄閱義理以居
多依日月之光要譽處而無數比戎騎之侵軼至郊
坳之驛騷毅然請行奮不圖己有此奇節顧烈士而
何難題以至誠雖強敵而可感幸退師而底績遂擁
旆以言歸是用躋帝傳之崇班分州牧之重寄申威
雙鉞進退兩藩以勵羣倫以惇至愛嗚乎原隰哀矣
旣具急難之情福祿媿之宜共安平之樂往膺光寵
益介酬庸及陛辭賜排方玉帶大元帥府建夢帝解
所服御袍賜之又嘗登相州郡國飛仙亭指牌字三
發三初中雅陽當五代末有狂僧日呼於市曰此地

當有聖人出及太祖以歸德節受禪人以為應至是
乃正符其語又載康王檄云見危致命者忠臣之心
視死如歸者烈士之勇凡在率土世沐湛恩今陳燕
血之解庶獲捐軀之効邇者上皇禪位下詔責躬事
出沈誠人皆惻隱恭惟皇帝遵養潛邸十有五年克
勤克儉博通經史天下延頸莫不歸心及受禪之初
金人入許割三鎮乃肯退師皇帝念祖宗之故疆
乃陵寢之重地請許賦租之入以爲歲幣之常乃曰
渝盟實惟求戮再操戈而詣闕遂鼓衆而乘墉至於
屈己稱臣露章引咎初兵斂不下詭曰通和既邀駕
出臨乃輒留住二聖太子諸王近臣皆在賊營恐將
北去考之自昔未有或然臣子之心痛憤徹骨昨奉
諭旨充兵馬大元帥唱義率衆影從響答數百萬衆
憤怒而前內揆人心可知天意遐逐狂虜今茲已行
而強抑臣僚俾僭位號天怒人怨曷能安居除已遣
發大兵糾合諸路把扼險阻焚絕河梁或迎擊於前
或追躡於後期於掃清千里迎還兩宮外帥臣監司
郡守縣令共統驍銳之衆使堅忠義之心其撫柔良
之民無忘歸向之舊凡關津之出入謹於防姦或文
書之往來審於辨詐以報皇朝之涵養以底天下之

治安報德賞功非言可究三辰在上實聞斯言檄書
到日曉示軍民各仰知悉時靖康二年四月二日也
又四月三日淮寧府知府趙子崧京西北路安撫何
志同發運使翁彥罔都水使者榮巖起兵誓衆彥罔
撰文云敢告衆士金人稱犯京闕侵侮暴虐人神共
憤聖天子屈己議和猶未退師曠日持久包藏禍心
宗社危辱王命隔絕天下臣子各奮忠勇誓不與賊
俱生今諸道之師大集於近輔凡我同盟無徇私無
懷異無觀釁戮力合謀共安王室以効臣節三軍之
士視死如歸千萬人惟此一心進則厚賞榮於家邦退
則重刑殺及妻子有渝此盟神明殛之皇天后土太
祖太宗實鑒斯言彥罔初坐貶彥罔爲李綱姻黨徵致亂
判官吳昉助之建炎初周煒清波園爲李綱姻黨徵致亂
之朱勝非言乃正其罪周煒清波園爲李綱姻黨徵致亂
相州繼登寶位建炎初詔汪伯彥等省記事跡成書
來上付之史館其間所紀符瑞如冰泮復凝紅光如
火雲覆華蓋其類不一獨諸路文書申帥府或曰康
王或曰靖王有解拆靖康二字乃立十二月而立康
王祥契昭灼識者謂本朝無親王將兵在外故事一
旦付大元帥之柄於皇弟蓋本天意云又云高宗自

金史紀事本末卷七

六

相州提兵渡河初程宿新興店幕府進言爲宋室中
與之兆紹興辛巳視師江上至無錫幸惠山酌泉泉
上有汲桶桶間書吳安二字吳安聞隸姓名也侍衛
者喜謂吳地可安亦嘗達於聖聽云宋史高宗紀云
初欽宗因胡唐老言命問門祇候秦仔持蠟書拜康
王大元帥陳亨伯汪伯彥宗澤副之開府相州諸將
漸集兵威稍振以明年五月至應天府卽位趙姓之
遺史云時帝降指揮其真蹟後在何桌弟渠之子處
得之宣付史館唐老弟世將爲兄請諡言及此帝以
爲偶然不許帝立時年二十一冊文赦文皆記室滕
康筆汪伯彥中興日歷謂朱勝非誤也勝非爲邦
昌僚壻李心傳朝野雜記云虜再犯京師康王在河
北何文縝請以帛書拜爲大元帥淵聖可之文縝北
去御筆藏於其家後其弟渠乞進於朝檜抑不奏檜
死渠知萬州索還於秦氏洧熙中洪端明請下隆州
索其書編於中興日歷架子令修以聞詔付史館遷
令修一官又云時宗室承宣使仲琮謂宜用昔武陵
王遵承制故事稱制不改元下書告四方稱副元帥
汪廷俊等以唐肅宗事折之耿伯順勸其避嫌乃語
塞議始定告天冊文曰嗣天子臣某敢昭告於昊天

上帝金戎亂華二帝北狩天支威屬混於穹居宗社
罔所憑仗夷夏莫知攸主臣某以道君皇帝之子奉
宸旨以總六師握大元帥之權倡義旅以先諸將冀
清京邑復兩宮而百辟卿士萬邦黎獻皆謂人思宋
德天眷趙宗宜以神器屬於臣某辭之再四懼不克
負荷貽羞於來世九州四海萬口一辭咸曰不可稽
皇天之寶命懔懔震惕敢不欽承尙祁陰相中興於
宋禪記室賸子所濟撰也羅大經鶴林玉露云建炎
登極詔曰亶亶萬機難以一日而曠位皇皇四海詎
可三月而無君又曰聖人何以爲孝朕每懷問寢之
思天子必有尊朕欲報在秦廷之急嗟我文武之列
若時忠義之家不食而哭秦廷一德而一心亡立功而
立事同侯兩宮之復終圖萬世之安其詞明白亦占
地步然胡致堂萬言書首論此事謂建炎以來有舉
措大失人心之事陛下以介弟受命出帥河北二帝
旣遷則當糾合義師北向迎請而遠膺翼戴亟居尊
位遙上徽號建立太子不復歸覲宮闕展省陵寢南
巡淮海偷安歲月此失人心之最者周焯清波雜
志云高宗卽位肆赦文有兩本首尾皆同如道君發

金史紀事本末

卷七

七

德音而罪己退辭履位之尊乾龍以震長繼天首正
謀國之罪悉捐金幣分割膏腴恩愛惜於兩朝忍輕
加於一矢生靈受賜夷夏聞風要質賢王既驅車而
北渡連結異域復擁衆以南侵慨豁塞之無厭昧蜂
蠆之有毒廷臣乏策虜使詭和款貌虎以退師致金
湯之失險肆令狼子薦食都畿等語與今所傳本異
蓋時有忌器之嫌也皆太常少卿滕康行後發書樞
密院南京人楓應小牘云宋自建隆至靖康自建炎
至乾道大赦凡一百二十有三恩治率士可謂至矣
潘永因宋稗類抄云宋藝祖立三年立誓碑於太廟
封閉甚嚴勅有司值時享及新主嗣位謁廟禮畢讀
誓詞止一小黃門從皆不知所誓何事靖康之變悉
取禮樂祭祀諸法物而去門洞開人得縱觀碑高七
入尺潤四尺餘誓詞三行一云柴氏子孫有罪不得
加罪犯謀逆止賜自盡不刑諸市曹亦不連坐一云
不得殺士大夫及上書言事人一云金子孫有渝此誓
者天必殛之後建炎中曹勛自金回太上寄語祖宗
誓碑在太廟志今天子不及知云曹勛北狩見聞錄
云上皇自出城至過河論勛曰我夢四日並出是中
原爭立之象不知民肯推戴康王否因命勛歸出御

衣冠字領中曰可便即真來救父母并持韋賢妃信
齊夫人亦寄金環曰願早如此環遂得相見又付拭
淚白紗帕曰深致我血淚之痛遂皆哭且曰但有清
中原之策悉舉行之勿以我爲念七月始以手書至
因建議由海道邀駕歸出之外續綱目云五月論主
和誤國罪竄李邦彥潯州吳敏柳州蔡懋英州李杓
守文虛中鄭望之李鄴以請割地安
置廣南諸州耿南仲竄南雄州死
望卒以宗輔爲右副元帥冬十月辛未宋二帝自燕
徙居於中京攷異趙子砥燕雲錄云五月道君至燕
奉卮酒跪勸道君鄭后七月初淵聖至燕山寓愍忠
寺與上皇於昊天寺相見親王東序駙馬西序道君
在左面淵聖居右面皇太子于祁次南面西酒五盞自
早至午禮畢而歸嗣濮王仲理居燕山仙露寺日給
米一升半月支監一升九月全赴中京館相府院二
聖同聖眷起行時金納絹萬正道君分百五十正與
仙露寺宗室作冬衣子砥藝祖後令响子闕和議初
聞燕後還知台州卒畢沅續通鑑云嗣濮王仲理等

六月庚辰宗

千八百餘人尙在燕計口給糧監視嚴密宗室死者甚衆元一統志云大延壽寺在閭忠寺東北魏元象元年幽州刺史尉長命造命爲大雲後改隆興後周煨隋復之唐寶抗建浮圖名普覺寺改隆興後名延壽遼保寧中建殿九間窮極壯麗重熙中災復修金皇統二年留守鄧王加完葺天德三年爲宮大定中別錫地重建泰和初工竣立石翰林待制路鐸撰記孫承澤春明夢餘錄云初名尉使君寺今遺址無考東都事畧童蔡入燕勒碑於延壽寺以紀功將佐姓名附列留十日乃回周箕析津日記云京師延壽寺凡五六所皆爲祝釐設惟琉璃廠東北一區明正統六年得斷碑上有大金正延壽寺可辨太原僧湛然爲之重建檢討四明汪奉記此尙是遼金舊址也汪碑尙存遼史游幸表載聖宗統和六年四月幸延壽洪二寺十五年四月復幸延壽寺興宗重熙十一年十二月幸延壽寺飯僧復幸延壽寺觀擊鞠聖宗紀十二年四月以景宗石像成幸延壽寺飯僧洪皓漠紀聞云燕京蘭若相望大者三十有六然皆律院自南僧至始立四禪寺曰大覺招提竹林瑞像延壽院主有質坊二十八所僧職有正副判錄或呼司空文惟

簡房廷事實云燕山京城東壁有一大寺名閻忠廊
下有石刻云唐太宗征遼東回念忠義沒於王事者
建此寺以薦福東西有兩磚塔高可十丈云是安史
所建明正統中改名崇祐在今外城之西隅唐太宗
又葬隋征遼亡卒於府西南名哀忠墓今白雲觀西
十餘里王若升北狩行錄云仙露寺在今宣武門西
南王憚秋澗集仙露寺僧寶藏商鼎有年燕士張文
季不惜百金購得之憚因作歌以紀之朱彝尊曰下
舊聞云據燕雲錄稱奉使官中書侍郎陳過庭門下
侍郎耿南仲并文武五十餘員原在真定丁未八月
遣詣燕山崇國寺安泊則崇國寺金已有之蓋南北
二寺北建自演公南則金之舊今已迷其處矣孫國
枚燕都遊覽志云崇國寺在皇城西北隅定府大街
元時有東西二崇國寺後惟西崇國寺存趙孟頫書
有寺碑宣德間重建賜名大降善護國寺在今西四
牌樓大街東石邦政豐潤縣志云天宮寺在城西南
遼清寧元年鹽監張日成建有塔十三級初名南塔
院壽昌三年賜額極樂院至金人與宋修好行府悉
廢於此天會五年勅加大天宮寺徐昌祚燕山叢錄
云豐潤縣北八十里有湧水 sources 出崖兒口經豐潤玉

金史紀事本末

卷七

九

田蓮河入海凡水皆自西而東此水獨西俗呼還鄉河徽宗過河橋駐馬四顧悽然曰過此漸近大漠吾安得似此水還鄉乎不食而去人謂其橋爲思鄉橋江萬里宣政雜錄云太上北狩經劉縣梁魚務務有還鄉橋石少主命名人至今呼之上曰此乃亂世之主後聖必能力伸此寬令我回此橋不食去
二月丙寅詔宗輔侵宋倫攷異畢沅續通鑑云五月王士朱弁副之傳雪假工部侍郎充通和使趙哲副之用黃潛善等議改雪爲祈請使副以馬識遠而倫弁哲皆不遣復以周望充通問使趙哲爲副八月雪等至雲中見希尹以二帝表及國書獻留彌月會張渙渡河被殺希尹以用兵責雪遣還乃遣倫弁往時詔求能使絕域者許自陳得字文虛中劉誨楊應誠劉正彥皆擢用熊克小紀云應誠官浙東副總管爲帥臣翟汝文所抑應誠願使絕域假道三韓以圖迎二聖命韓紆副之汝文奏阻應誠航海以往後高麗不允假道遂還宋史倫字正道莘縣人弁字彥章源人雪字彥濟臨江軍人李綱所薦著建炎通問錄一卷繫年要錄云時司馬樸在燕得登極赦書遣持詣

上皇爲人告黃金主釋之蔡條鐵圍山叢談云上皇命
人市茴香得黃金紙包乃中興赦書也趙子砥燕雲錄
謂二太子得之呈道君洪皓行述謂令商人陳忠密
告潘永因宋碑類抄云高宗好養鵲鴿躬自收放有
士人題詩云鵲鴿飛騰繞帝都暮收朝放費工夫何
如養箇南來雁沙漠能傳二帝書帝聞召見補官吳
會能改齋漫錄云建炎初有詔諭河北曰桑麻干里
蓋祖宗涵養之恩忠義百年亦父老教訓之義蓋吳
元中辭也聶昌奉使未還加官制曰風寒易水嗟一
往以難還日遠長安望重來而不見蓋舍人孫覿辭
也竊憤續錄云少帝自天眷五年十月至燕京居安
普寺前後三四年天眷十年金主令帝出寺賜宅燕
京北令人監守十二年九月燕京大火旬日不息焚
死者千人金主勒兵出城北門避之於寶蓋寺去帝
居僅數千步南燼餘聞云少帝到燕京居安普寺後
徙居城東玉帛觀朱彝尊謂竊憤錄南燼餘聞皆僞
書所紀與王若冲蔡條北狩行錄趙子砥燕雲錄不
同才足信按宋金二史皆載宋二帝以天會五年四
月至燕天眷熙宗號在天會之後十年且天眷三年
後卽改稱皇統並無五年謬外滋甚見日下舊聞考

六年秋七月乙巳宋帝遣使奉表請和攷異畢沅續通鑑云五月

倫弁等渡河至雲中見宗翰計事留不遣薛應旂通鑑云二月以宇文虛中為祈請使楊可輔副之又以

劉誨為通問使王貺副之紀均未載元好問中州集載虛中寫金剛經與王正道即次其韻詩云平生幸

識繫珠衣窮乏他鄉未得歸有客為傳祇樹法此心便息漢陰機百千三昧一門入四十九年諸事非寄

與香山老居士要憑二義發餘輝又次朱少章韻詩云前世曾為粥飯僧此生隨處且騰騰經中因認人

我相教外都忘大小乘寫去欲云居士領信來如續祖師燈他年辱贈茅菴句誰謂因緣昔未曾

進兵以宋二帝赴上京丁丑宋二帝素服見太祖廟

遂入見於乾元殿降宋上皇為昏德公帝為重昏侯

冬十月戊寅徙昏德公重昏侯於韓州遼史地理志云本果縣國

舊治柳河縣遼號韓州東平軍攷異遼東行部誌癸酉次柳河縣舊韓州也先徙州於營州後改為縣又

以城近柳河故以名之乙亥次韓州遼聖宗時併三
河榆河二州為韓州三河本燕之三河遼俘其民於
此置州故城在遼水側常苦風沙移於白塔寨後為
蓮水所浸移於今柳河縣又見滿州源流考北盟會編
九百奚營即今所治縣也見滿州源流考北盟會編
云三百月遷天眷於通秦州去燕山千五百里給地千
五之頃宋史紀事本末云八月金徙二帝於韓州令
下給田十五頃其城命晉康郡王孝騫等九百餘人全
往侍之李心傳朝野雜記云宋宗室皆聚於京師熙
厚待之始許居於外蔡京為政因即河南應天置西南
豐間宗院設宗官主之靖康初上將南幸先徙諸宗室
二而離維二都全建炎初上將南幸先徙諸宗室
者而離維二都全建炎初上將南幸先徙諸宗室
於江淮又太祖親賢神宗五王宅曰睦親秦王宅曰廣親
英宗三王曰親賢神宗五王宅曰睦親秦王宅曰廣親
衍欽華以下子孫皆陷異域續綱目云魏行可應募
使金軍假禮部侍郎見金人於澶淵知其布衣借官
待之甚薄留不遣遺書金人戒以不戢自焚之禍竟
卒於金畢沅續通鑑云時為副
吉郭元邁亦留不歸紀均未載
庚辰宗翰宗輔會於

漢州名今屬東昌府攷異續通考云唐初為濮州又
漢改濮陽郡後仍舊宋升防禦郡領野城范二縣鄆
城唐為濮州治范縣唐于縣置范州侵宋攷異宗翰
州廢屬濟州後改屬濮州宋金因之漢人獲其書入奏
遣王師正奉表密以書招誘契丹漢人獲其書入奏
乃下詔伐之按交聘表無王師正名宋史及續通鑑
均未載豈以王倫字正
道而遂致訛今闕疑

七年夏五月乙卯巴爾斯等襲宋帝於揚州今隸江

異輿地廣記云春秋屬吳吳滅屬越越亡屬楚秦屬
九江郡漢為荆國吳國江都國廣陵國東漢為郡宋
置廣陽郡隋初改揚州後為江都郡宋縣三江都廣
陵天長續通考云唐初改南兖州又改邳州又為廣
陵郡後仍為揚州宋為淮東路明領高郵通州泰三州
江都儀徵泰興興化寶應如皋海門七縣江都尚郭
唐析置江陽縣南唐以江陽省入廣陵宋省廣陵入
江都儀徵五代皆屬揚州宋以迎鑾鎮為建安軍又
升為真州泰興唐析海陵縣地置宋改為鎮後復為縣屬
興化楊吳始因海陵縣地置宋改為鎮後復為縣屬

高瑒川資應後升為軍元改安宜府仍為縣如皋唐

州鎮五代置如壘鎮南唐升為縣海門本海陵縣東東

縣屬通州冬十月宗弼元朮渡江南侵十二月王

寅宋帝入於海中有異續通考云是年三月己卯朔日

東南如散火十一月甲寅天旗明河鼓直畢沅續通

鑑云正月通問使劉誨王貺楊可輔自河東還行在

唯虛中獨留後降金續綱目云金遣虛中歸日奉命

北來求請二帝二帝未還虛中不可歸遂留時金國

初建制度草創頗愛虛中有才藝每加官爵即受之

遂與韓昉俱掌制薛應旂通鑑云二月金兵至揚州

帝奔鎮江用朱勝非計詔錄用張邦昌親屬遣閣門

祇候劉俊明使金軍仍命持邦昌貽金人約和書藁

以行畢沅謂取之於常州李綱家俊民請邦昌一子

同行庶可藉口遂錄用其子元亨及婿山陽廉布與

其兄邦榮兄壻安陽吳若悉錄用見繫年要錄袁文

襄陽閻評云廉宣仲幼年及第邦昌納為婿自謂早

步青雲及邦昌得罪宣仲官竟不顯病廢累年死作

畫松詩曰獨倚寒崖生意絕任他桃李自成蹊情况

金史記事本末卷七

可想趙姓之遺史劉俊民作劉仲云五月起復朝散
郎洪皓為徽猷閣待制假禮部尚書充通問使龔璣
副之薛應旂通鑑又云帝遣粘沒喝書願去尊號用
金正朔比於藩臣皓至雲中迫之仕劉豫曰萬里卿
命不得奉兩宮南歸恨力不能磔逆豫忍事之耶願
鼎鑊無悔流冷山七月復遣工部尚書崔縱往不屈
死皓字光弼鄱陽人縱字元矩臨川人同年進士入
月又遣杜時亮宋汝為往書云守則無人奔則無地
龔閣下之見哀而已九月丙辰遣直龍圖閣張邵使
金武臣楊憲副之邵至離州接伴使張樂不忍聽請
止至三四見撻懶不肯拜且責其封劉豫怒取國書
去執邵送密州囚於柞山砦按皓以七年五月使金
八年見尼瑪哈於雲中具載北盟會編交聘表均未
載宋史高宗紀是年二月命忠訓郎劉俊民齎書使
金三月以王孝迪盧益為國信使進士黃大本莫時
敏為先期告請使諸書所載較詳

八年夏六月癸酉詔以昏德公六女為宗婦秋七月

丁卯徙昏德公重昏侯於呼爾哈路地理志云國初置萬戶後海陵

改節度西至上京六百三十里北至邊界哈喇巴圖
千戶千五百里按呼爾哈路為渤海上海京滿州源流
考云渤海王都忽汗城因河得名富即今呼爾哈河
源出吉林烏拉界會畢爾騰湖東流經故會寧城北
又九十餘里繞寧古塔城南北流七百餘里入混同江
攷吳宋史丁卯作乙卯繫年要錄同今從史薛應旂
通鑑云乙卯金人將立劉豫徙二帝於韓州之五國
城去上京東北千里洪皓密遣人奏書以桃李粟麪
等獻二帝始知康王即帝位宏簡錄呼爾哈作鶻里
改早流續通鑑云時統軍錫庫令二帝減隨行宗室
官吏同行者惟晉康郡王孝騫和義郡王有奕六人
其餘宗室仲璉等五百餘人內侍黎安國數百人皆
留居密宮齊東野語云南燼餘聞言二帝初遷安肅軍
及雲州又遷西江州及五國城去燕凡三千八百餘
里去黃龍府二千一百里乃李陵戰敗之所又遷西
均安州乃契丹移州按此書乃阿計替本海北棧州人
國文後得之金貴人者又云阿計替本海北棧州人
國金使隨二帝入燕及五國城故備知之不知金
虜多疑安肯使南人終始追隨乎此必宣政間不得
志小入妄造凌辱猥嫚之事也熊克小紀云道君白

燕遷雷郡草一書使駙馬蔡條示秦檜得達尼雅滿
等徙韓州條勒觀春秋恨見之晚每南望輒曰陵寢
在何處泣數行下遇忌辰輟膳追慕終日教子必以
義方宗室有扶私不和者必戒之然紹述神宗之意
未嘗忘有貨安石曰錄者輟衣而易之時五國貝勒
巴克塔下通事慶哥詐傳巴克塔言求北珠道君與
之事覺巴克塔欲殺慶哥使人審覆道君曰初無此
事恐係誤傳北人聞之以手加額太子烏拉罕遺書
求內侍遣王佃陳思正往且囑優容之北盟會編云
時撻懶南侵以秦檜隨行爲參謀官隨軍轉運使抵
淮岸約稍工孫靜挂帆去全妻王氏與兒硯童翁順
及親信高益恭等至漣水軍爲丁禡水寨所執幾被
殺因秀才王安道救免檜遂赴行在以范宗尹李回
張守薦擢禮部尚書安道靜補官妻兄王與先取王
氏子爲之兒名曰禱檜甚喜賜詔畧曰當干戈之際
有社稷之言以忠信篤敬而行蠻貊之邦以靖共正
直而爲神明之聽四年去國萬里還朝乃申常伯之
聯用示匪躬之勸云云紀未書撻懶縱檜還事繫年
要錄云時副將劉靖欲殺檜而取其貲不果與檜定
計者尚有郾中張炳禧爲王喚孽子朱勝非秀水聞

唐云行爲王氏壻王仲山有別業在濟南金取千
錢萬貫其行林泉野記云檜爲上皇作書遺尼瑪哈賜
內助又救免者安道外尚有馮由義王明清揮塵錄
餘話云時楚州守楊揆欲斬檜客管當可勸送赴行
在洪州行述時有室燃知檜狀歸對檜言託寄聲
色色要錄室燃作錫納羅大經鶴林玉露云檜少
出六學博記工文善幹鄮事同舍號爲秦長卿每出
必委之辦集既登第及中詞科靖康初爲御史
中丞請立趙氏北遷情態遂變詔事捷懷及兀朮
用事檜與檜約縱之南歸主和議虜邀以七事有毋
易其松之說正爲檜設皓自虜回戲謂捷懷郎君致
意前大恨之金遷汴張師顏作南遷錄載孫大鼎疏
備言其事檜始彰矣其初歸一節中興遺史所說
尤詳檜字會之江甯人後建一德格天閣朝士賀啟
曰檜字會之惟伊尹格于皇天民到於今微管仲吾
其左不左是謂之潛說友咸淳臨安志云紹興元年二
月以通書尚書兼侍讀秦檜參知政事時孫覿知臨
安府以政賀曰盡室航海復還中州四方傳聞感涕
交下漢蘇武節旄盡落止得屬國唐杜甫麻鞋入見

乃拜拾遺未有如公獨參大政
相以爲議已始大怒之

九年夏六月壬辰賜昏德公重昏侯時服各兩襲冬

十一月己未遷趙氏疏屬於上京
攻異畢沉積通鑑云遷者計五百餘人

十一年秋八月戊子趙耆誣告其父昏德公謀反耆

及其壻劉文彥伏誅
攻異續通鑑云沂王耆告二帝謀變金人欲令其父子對質會

蔡條力辨其誣乃止
王若冲北狩行錄文彥作彥文薛應旂通鑑云紹興二年九月王倫還自金先是倫

久困思歸倡爲和議烏陵思謀以告粘沒喝因縱之
歸會議討劉豫事中格久之以潘致堯爲通問使時

金天會十年也明年五月致堯還言金欲重臣通使
遂寢出師議遣簽書韓肖胄偕胡松年往議和十二

月肖胄偕金使李永壽王翊來請還豫俘及西北士
民在南者且欲盡江益豫與檜前議胎合議者知金

與柏台謀矣復遣章詛爲通問使請還兩宮及河南
地王明漢擇塵第三錄云肖肖見金主所繫帶光彩
終日見漢久之主曰此石晉少主獻耶律氏者唐
日見漢也又命取磁碗一枚曰亦少主所獻內有畫
隻在焉水滿則跳躍如生覆之無他二物誠絕代
之珍也并見厲鶚遼史拾遺畢沅續通鑑云爲副
給事中孫近且命王倫作書與高慶裔等倫係旦姪
孫表貧無行京城破兵亂倫徑造御前賜以夏國寶
劍除兵部侍郎傳旨撫定太宗紀均未載交聘表亦
主書遣使事趙翼劄記云王倫使金間關百死終成
和議世徒以胡銓疏斥其狎邪小人張燾疏斥其虛
計所疏斥其賣國遂衆口一詞謂非善類史傳亦
有貧無行數犯法幸免語然倫係旦弟最後本非
市僧里魁其奉使在建炎元年虜焰正熾倫獨請行
及至金被留動烏陵思謀以和議欲使其還兩宮歸
故地尼瑪哈雖不答然和議實肇端於此卽洪皓之
以畏天保天語悟室猶在後也迨往返議定境土先
歸使金不渝盟其功豈諸臣所可及哉况被拘辭職
甘一死而不撓志節尤可恕也故皓歸亦極言倫以
身徇國棄之不取緩急何以使人乃以市井無賴數
金史紀事本末

語傳為口實此宜急為別白者也然倫首倡和議終墮恢復之功南渡不競實由於此今不取

十二年阿里與高彪本名昭利碩勒海人從征遼宋

莊見本傳監護水運宋以舟師阻亳州河路擊敗之追殺

六十餘里獲其將蕭通破漣水水寨盡得其大船遂

取漣水軍宋史地理志云漣水縣名嗣升為軍屬楚州漣水縣建軍熙寧五年廢軍以漣水隸楚州續通

考云漣水在安東縣自沐水分流入縣境在沐陽者

曰南漣水入安東者曰北漣水沐河自青州西北馬

春固諸澗會流至沐陽縣界東入桑墟河同入海桑

墟河一名桑墟湖在安輯餘眾初章誼至雲中與論

三事惟畫疆未定粘沒喝答書遣還入月遣員外郎

魏良臣奉表通問時金已定議出兵而帝未之知也

十二月良臣還議再遣因魏在言而罷畢沅續通鑑

云為副者宣贊舍人王繪大金國志云時豫乞師南

請行... 中入見與兀室均以爲難惟窩里咀
而... 目云金主與尼瑪哈議南侵烏珠力言不
可... 斥其偷安紀載各異史均未載熊克小紀
云是... 君在五國城諭王若冲曰一自北遷於今
八年所... 異事多矣深欲著錄未有其人蔡條
謂文... 無如卿者高居山東躬稼之餘爲子記之善
惡... 不可隱晦將爲後世之戒未幾書成所謂北
狩行錄是也道君謙虛待下從行羣臣不
以大小未嘗名呼或有使令則溫顏諭之

十三年

正月熙宗即位不改元

夏四月丙寅昏德公趙佖薨遣

使致祭及賻贈

四月乙未繫年要錄引國史拾遺作

正月二十五日皆傳聞之誤今從皮薛應旂通鑑云

四月甲子皇上皇卒於五國城年五十四遺言欲歸葬

內地不許時兵部侍郎司馬樸及朱弁在燕山服斬

衰朝夕哭金人義之洪皓在冷山北向泣血遣同使

臣沈珍往燕山建道場於開泰寺作功德疏曰千歲
厭世莫遂乘雲之仙四海遇音同深喪考之感况故

金史紀事本末

卷七

六

宮爲禾黍改館徒饋於秦牢新廟游衣冠招魂漫歌
於楚些離置河東之賦莫止江南之哀遺民失望而
痛心孤臣久縶而嘔血伏願盛德之祀傳百世以彌
昌在天之靈繼三后而不朽故臣讀之無不掩涕見
洪忠宣行述潘永因宋稗類抄載升送大行文首曰
臣等茂林豐草被雨露於當年異域殊鄉犯風霜於
將老節上之旄盡落口中之舌徒存又曰嘆馬角之
未生魂消雪窖攀龍髯而莫逮淚洒冰天樸係溫公
兄孫初因納欵使金營復遺書請存趙氏遂北去續
綱目云遣忠訓郎何薜使金胡寅上疏諫罷知邵州
因張浚言使事兵家機權後將闢地復土終歸於和
乃遣薛行宋史浚字德遠漢州綿竹人封魏國公諡
忠獻寅字致堂安國子靖康要錄初爲員外郎奉使
議和遷兵部侍郎初見粘罕使問其族曰先祖司馬
光曰賢者之後乃稍加禮元好問中州集樸字文季
溫公猶子奉使見留居於祁陽授以官託疾不拜邀
遊王公門以壽終工書翰有晉人筆意興陵嘗購其
遺墨學之有雪霽同韓公度登圓福寺閣和李劬詩
弁仕宋爲吉州團練使通問見留命以官託疾不拜
粹然以錐刺之不爲瞬遂得免居雲朔二十年竟觀

如居士有曲洧風月堂詩話行世李任道編虛中與
弁所製合為一集名曰雲館二星弁題詩云絕域山
川飽所經客蓬歲晚任飄零詞源未得窺三峽使節
何容比二星蘿蒿施松憲弱質兼葭倚玉怪殊形齊
名李杜吾安敢千載公言有汗青時虛中受官而少
章以死自守恥用見比故託辭以見志云馬永卿賴
真子云樸極知星力辨河鼓乃牽牛星分為二失之
矣又藏王摩詰所畫先聖像陸游老學菴筆記云樸
陷金後妾生一名子於燕名之曰通國實取蘇武胡
婦所生子之名而國史不書其家亦諱之

十五年冬十一月丙午齊國劉豫廢詔置行臺尙書

省於汴攷異薛應旂通鑑云正月丁亥何薛還自金

請遵以日易月之制因胡寅言遂終服二月以王倫

為奉迎梓宮使如金納幣十二月倫還謂金許還梓

宮及太后且允歸河南地復遣之按倫數往還為之

副者皆高公繪畢沅續通鑑云因倫言詔存恤奉使

未還者朱弁魏行可郭元邁洪皓龔璚崔縱郭元杜

時亮宋汝為張邵楊憲孫悟卜世昌家屬各賜錢三

金史紀事本末

卷七

七

百緒趙彥衛雲麓漫鈔云郭元邁字英遠由開封徙
吳宣和中上舍高宗駐淮揚募使金者元邁請行以
和州團練使為魏行可副既至貽書粘罕辨利害乞
歸二聖被留紹興壬戌忠定洪公歸奏公與王倫以
身殉國朱公弁還亦言在燕及宜州與元邁唱酬携
詩文數篇歸張公邵歸奏云靖康來使臣不返者數
人若陳過庭聶昌司馬樸膝茂實崔縱魏行可郭元
邁嘗請於金只得崔縱樸膝茂實崔縱魏行可郭元
邵字才彥歷陽人建炎三年自承奉郎上書東野對假
太宗伯使撻辣軍留燕十五年紹興十三年與皓還
先是太母歸將發與天族別淵聖偃臥車前泣曰幸
語丞相歸我處我一郡足矣才彥聞之痛憤至是服
中遺檜書謂彼欲留淵聖堅和約然所貪者金帛實
可還宜遣使忤相意大悔上疏頌其靖康乞立趙氏
躡進敷文閣待制秦終疑之因弟祁子安國為狀元
居秦嶺右得罪迺誣祁致死伊妻李氏莫自免祁坐
囚繫檜死得釋邵後知池陽
卒安國更入部有德愛早卒

熙宗天眷元年秋八月己卯詔以河南地與宋命右

司馬張通古

本傳字樂之易州人遼進士用劉彥宗薦擢工部侍郎海陵立亦敬憚卒

官平章事封曹王全金詩載其題靈壁寺詩多警句

宗紀異李心傳朝野雜記云紹興八年通古以行臺

侍郎來使其歸也歸正燕人周襟與通古舊知奏乞

送至境通古至安豐軍贈別詩曰良人輕一別奄忽

幾經秋明月望不見白雲徒自愁征鴻悲北渡江水

奈東流會語知何日如今已白頭檜等使江南宋帝

嘗以胡邦衡封事示之一覽卽記誦

欲南面令通古北面不從乃西面受詔如常儀時宋

置戍河南通古言而罷

改異薛應旂通鑑云紹興八年

齊舊地與宋幹本力言不可蒲盧虎位在其次上執議

以陝豫地與宋遂遣倫偕烏陵思謀來議秦檜力主

之復遣倫往遂偕張通古蕭哲來詔諭江南胡銓等

抗疏諫不聽時豫旣廢金欲立淵聖於南京因和定

而止畢沅續通鑑幹本作宗幹蒲盧虎作宗磐楚懶

作昌云通古以十一月入境與史異今從史葉紹翁

金史已事本天

卷二

二

四朝聞見錄云銓以樞樞請誅檜以謝天下請竿王
倫首以謝檜斬臣以謝陛下所載疏語與宋史異又
云帝怒欲正典刑或以陳東諫乃貶詹耳進士吳師
古錢銓疏於木金人募其疏千金字邦衡廬陵人卒
官資政殿學士諡忠簡孫榮榮皆仕至尚書熊克小
紀云為思謀副者尚有石慶元時銓編管昭州有孕
妾臨月寓湖上府趣行芮如圭方璿同見晏敦復曰
某言檜姦諸公不信方專國便如此趙元鎮雖無狀
不至是也敦復即見知府張澄寬之載方疇稽山語
錄羅大經鶴林玉露云胡澹菴乞斬檜得貶瀘溪先
生王廷珪字民瞻送以詩曰癡兒不了公家事男子
要為天下奇坐貶辰陽太府寺丞陳剛中字彥柔亦
以啟賀曰屈膝請和知廟堂禦侮之無策張膽論事
喜樞廷經遠之有人身為南海之行名若泰山之重
又云誰能屈大丈夫之志寧忍為小朝廷之謀知無
不言願請向方之劍不遇故去聊乘下澤之車貶安
遠軍瀘溪晚年孝宗召赴闕除直秘閣一子扶掖上
殿亦予官年踰九十寺丞竟死安遠無子妻為尼又
三山寓公張仲宗亦以作敬與詞為餞得罪岳珂程
史載盧溪全詩云囊封初上九重關是日清都虎豹

周百辟勸容觀奏牘幾人回首愧朝班名高北斗星
辰上臺南州瘴海間豈待他年公議出漢廷行召
賈生還大厦元非一木支欲將獨力拄傾危癡兒不
了官中事男子要爲天下奇當日姦諛皆膽落平生
忠義只心知端能飽喫新州飯在處江山足護持坐
流文郎及檣死復作詩曰夜讀文公猛虎詩云何虎
死忽悲啼人生未有向來事虎死方羞前所爲昨日
猶能食熊豹今朝無計奈狐狸我復除國子監主簿乞
作癡兒果是癡蓋復前說也召復除國子監主簿乞
禍去再召欲與一子官不果潘永因宋稗類抄云胡
銓上書乞斬檣金問之以千金求其書得之君臣失
色曰南朝有人蓋破其陰遣檣歸之謀乾道初金使
來猶問銓安在張浚曰檣專柄十九年只成就得一
胡邦衡又云殺岳武穆范同謀也胡銓上封事檣怒
甚問范如何處置范曰莫採半年便冷了若重行譴
謫必成豎子之名檣甚畏范後竟出之宋史高宗紀
云張通古欲帝面受書且索百官備禮迎用檣議攝
篆宰代受國書於使館命三省樞院吏朝服乘馬導
從與史異按此議實出勾龍如淵見其所著退朝錄
小紀又云時世忠伏兵洪澤欲劫金使壞和議其將

郝忠密告漕臣胡紡紡使告肖
宵故由淮西去不得而劫焉

二年夏四月己卯宋遣使謝河南地

攷異繫年要錄云正月以金講

和之約割河南之境乃上穹開梅禍之期而大金許報國
民之力樓炤筆也東南述聞以爲檜門客所代草畢沅
續通鑑云正月王倫簽書充迎奉梓宮兩宮交割地
界使藍公佐爲副與回謝使副韓肖胄錢愐偕往許
歲貢銀絹各五十萬兩正等以倫爲東京留守三月
宗弼由沙店渡河之祁州移行臺於大名薛應旂通
鑑云正月遣判宗正士儀兵部侍郎張燾詣河南修
奉陵寢六月庚戌邢后崩於五國城燾字子公德興
人熊克小紀云士儀等歸曰諸陵下石澗水自兵興
來久涸二使到日水卽大至父老驚嘆以爲中興之
祥上語宰執謂燾必不妄言又奏徽宗山陵乞不用
金玉帝深知薄葬之益又肖胄充報謝使金陵乞不改
爲謝恩使肖胄以使名敕授不敢輒易論難再三不
能辱時金欲得王威趙榮二人詔遣還之韓世忠遣
書秦檜爭之不從周密齊東野語云士儀銜命道荆

襄宛洛祇謁鞏原過南鄧岳飛曰金虜無信君宜少
駐俟以上命有程餘去不數舍烟塵四起軍聲器然
於是失色南奔忽遇大軍望之岳幟也遂馳就之岳
笑曰國謂君勿行正慮此耳然已遣將與交鋒君王
人且近焉吾當親衛道行數里捷書至蓋儀未行前
一日出師也後飛下獄儀力辨無辜且以百口保之
坐與

秋七月辛巳宋國王宗磐原作蒲盧虎攷異

充國王宗雋原作訛魯觀攷異謀反誅八月辛亥行

臺左丞相達蘭原作額爾袞叛誅九月壬寅宋使王倫等來

言不違攷異薛應旂通鑑云兀朮言於金主曰撻懶

等反金款倫拘於河間遣副使藍公佐還別議歲貢

正族誓命等事撻懶南走被殺畢沅續通鑑云時宗

磐等謀為變遂命中山府拘倫且會本路簽軍以復

取河南為名遂作亂十月倫始見金主於御林詰責

之各異各異

三年夏五月丙子詔都元帥宗弼原作兀朮復取河南陝

西地皆平之攷異薛應旂通鑑云六月東京副留守

於朱仙鎮會奉詔班師所復河南州縣悉陷史未載

詩宇信叔德順軍人贈開府諡武穆交聘表是年宋

禮部尚書莫將等來迎護梓宮按宋史莫將官工部

侍郎表所書者假攝之官也其副使則宜州觀察使

韓正旦使副符執孫也八月宋以給事中蘇符王公亮

南西十里潘永因宋稗類抄云檜主和金偏師來伐

檜問策安出時張巨山誦德無常檜心異之留與

語召諸將為攻戰計命巨山作奏言二句云伊尹告

成湯曰德無常師主善為師孔子曰陳力就列不能

者止遂急書進呈播告天下決策局兵俄順昌大捷

敵退檜專其功擢巨山中書舍人時有詩嘲之曰城

湯為太甲孔

子作周任

皇統元年春二月乙酉改封懿德公趙佶為天水郡

王封重昏侯趙桓為天水郡公地理志云天水郡即

路政異與地廣記云秦州周孝王封非子於此秦屬

隴西郡漢武分置天水郡東漢更漢陽郡晉並立秦

州唐升雄武軍今縣四成紀天水隴城清水續通考

云金後升秦州為鎮遠軍領成紀治坊甘谷清水雞

川隴城西甯秦安八縣後以西甯為州以甘泉屬焉

止領六縣成紀今廢清水唐初置邽州於清水城州

廢縣屬秦州五代移置上邽鎮宋金是秋都元帥

仍舊秦安本宋納甲城金置秦安縣

宗弼復侵宋渡淮淮水出南陽府桐柏山過郡四行

至安東入海攷異續通考云淮水入潁上界至壽州

西北台肥水至懷遠縣台渦水東流經鳳陽府北境

又東北入泗州至清河口會泗水東流入於海府境諸

水皆入焉泗水源出宿州龍山湖東流至懷遠縣入

淮又有東澗河在壽州城東北西流入淮西澗

河在下蔡廢城西南境東流十里入淮渦水自黃河

東流經崇城縣沿懷遠縣東北與淮合至臨淮縣東

入海泗水出山東泗水縣源有泉四泉俱導因名

全史紀事本末

卷七

三

西南過徐州東南過邳州入淮雖水源自靈壁縣東
流經睢寧縣界至宿遷縣入泗洪澤湖山陽縣界舊
有開魏勝運糧由此入淮沂河自山東沂州城西
至下邳西南入泗達於淮又濠水東源出鍾乳山西
源出鎮鄆山合流至鳳陽府故濠梁莊子觀魚於此
東流經新河口入沂洛水自定遠縣西白望堆入壽
州界至新村南十五里入淮潁水流經潁州南北門外
俗稱小河上通古汴下達淮泗汝水在潁州南源發
大息山經新蔡朱皋東流入淮薛應旂通鑑云正月
楊沂中大破兀朮兵於柘皋死者萬計又敗之於店
步史未載北盟會編云張俊有愛妾錢塘妓張穰也
知書柘皋之役樓遺書引趙雲不問家事以堅其意
及戰勝遂以其書繳奏加封雍國夫人潛說友咸淳
臨安志云建炎元年八月杭州軍校陳通等叛囚守
臣葉夢得逼薛昂領州事安撫翟汝文等討之不克
知秀州趙叔近招降之都統制王淵襲破其城執通
及其黨誅之凡百八十餘人張俊取杭州甲妓張穰
以歸李心傳朝野雜記云中興異姓凡七王俊循王
存中和王吳玠治王璘信王世忠靳王光世鄜王飛
鄆王皆追封宋史沂中後名存中字正甫代州崞縣

人祖宗問父震皆死國難存中證武恭俊字伯英成紀人舉沉續通鑑云是夏洪皓求得皇太后書遣布衣李徽齋至臨安帝喜命以官以書讓宋宋復書乞罷兵宗弼以便

宜畫淮爲界以道意續綱目云烏珠欲議和縱莫將還

還要官尊望重者爲使檜復遣魏良臣往稟議十一

月金以蕭毅邢具瞻偕良臣來議以淮水爲界求割

唐鄧二州及陝西餘地歲幣銀絹各二十五萬兩正

仍許歸梓宮及太后帝悉從其請命宰執告祭天地

宗廟社稷遣何鑄充金國報謝進誓表使舉沉續通鑑云光遠方以贖罪爲監司所按趙召之擢利州觀

察使以吉州刺史曹勛爲副使復遣魏良臣往偕金使蕭慶邢具瞻來所載較詳冬十二

月癸巳天水郡公乞本品俸詔賜濟之

二年春二月辛卯宋使曹勛來許歲幣銀絹二十五

萬兩匹永守誓言攷異王倫傳皇統元年宋請和二

金史紀事本末卷七

三

觀察使曹勛進誓表薛應旂通鑑載誓表曰臣構言
今來畫疆以淮水中流為界西有唐鄧州割屬上國
自鄧州西四十里并南四十里為界屬鄧州四十里外
并西南盡屬光化軍為做邑沿邊州城既蒙恩造許
備藩方世世子孫永守臣節有渝此盟明神是殛墮
命亡氏路其國家臣今既進誓表伏望上國早降誓
遂如會寘見金主且趣割地後遣使求商州及和尙
方山二原遂命周聿鄭剛中等分畫京西割唐鄧二
成紀餘地并和尙方山二原以大河散關為界於是
僅有兩浙兩淮江東西湖南北四蜀福建廣東西
十五路西京西南路止襄陽一府陝西路止偃成和
鳳四州凡有府州軍監百八十五縣七百三金既畫
界建五京置十四總管府凡十五路其間散府九節
鎮三十六守禦郡二十二刺史郡七十三軍十有六
縣六百三十二宋史高宗紀云紹興十六年二月復
割金州豐陽縣洋州乾祐縣界金人又大金國志宋
仍於大散關內得興趙原為控扼之所亦見祝穆方

與勝覽又鳳縣志云興趙原在縣東北續通考云金
之壤地東吉里迷兀的改諸野人之地東北自蒲與路
之北三十餘里火魯火睦睦謀克地爲邊右旋入秦
州婆盧火所壕而西經臨潢金山跨慶桓撫昌淨州
之地出天山外包東勝按西夏逾黃河復西歷葭州
及米脂寨出臨洮府會州積石之外與生羌地相錯
復自積石諸山之南左折而東逾兆川越鹽州堡循
渭至大散關北並入山京兆路商州南以唐鄧西南
皆四十里取淮之東流爲界而與宋爲表裏京府州
郡諸製遠制其餘城塞堡關百二十鎮四百八十八
入此其可考也周密齊東野語云紹興歲幣銀二十
萬兩正紅絹十二萬正重十兩浙絹八
萬正重九兩兩樞密院差使臣四員管押銀絹戶部
差使臣十二員管押絹網於先年臘月至盱眙歲幣
庫卸績差將官防護過淮交割歲前三分之先賁銀百
錠絹五百匹過淮呈樣金交幣使副三歲幣庫以一分
往燕京一分往汴京漕司一分往泗州歲幣庫以備
參照例用開歲三日長交不過兩月結局初晉吏作
難交絹十退其九迨所需如數方始通融然亦十退
四五又貼耗銀二千四百餘兩每歲增銀二百餘兩

並准東漕司管認凡吾使副以下經費彼不與聞漕
黑木幹官權安節為交幣使副以下經費彼不與聞漕
亦同獎拔焉若正旦生辰遣使每六部門時通判汪大定
則禮物倍之又有起發副使土物之費及朝辭回程
宣賜等費而貯貽四處應辦南北使副往來賜筵凡
八次每處費錢萬八千五百餘貫而沿途供應復不
預若北使之來賜予尤不貲焉時聘使往來過貯貽
例遊第一山酌玻璃泉題詩石壁紀歲月遂成故事
紹興癸丑鄭汝諧詩曰忍恥包羞事北庭奚奴得意
管逢迎燕山有石無人勒却向都梁記姓名可謂知
言矣宣和甲辰歲幣銀二十萬兩初講和銀三十萬
燕京稅物計一百萬貫紹興壬戌初講和銀三十萬
絹各二十五萬兩正今每歲各減五萬兩正三月丙
辰遣左宣徽使劉筈以袞冕圭冊冊宋康王為帝
繫年要錄云筈時官中書侍郎為副者禮部尚書完
顏宗表宏簡錄載冊文曰咨爾宋康王趙構不弔天

降喪於爾邦亟瀆齊盟自貽顛覆爾越在江表用勤
我師十有八年於茲朕用震悼斯民其何罪天其悔
禍誕誘爾衷封奏卿至願身列於藩輔今遣光祿大
夫等持節冊爾為帝國號宋世服臣職永為屏翰
熙宗紀歸其母韋氏及故妻邢氏天水郡王並妻鄭
未載

氏喪於江南

攷異王倫傳三月遣左副點檢賽里都

韋氏繫年要錄作四月事金使為明威將軍高居安
及內侍二人扈從又泛使為左副都點檢沂王宗賢
秘書監劉綯交聘表未列史臣名紀亦未載李心傳
朝野雜記云北使至闕先遣伴使賜御筵於班荆館
在赤岸去府十五里朔日登舟至北郭稅亭茶酒畢
上馬入餘杭門至都亭驛分位上賜被褥鈔鑼等明
日臨安府書送酒食閣門官說朝見儀投朝見榜子
又明日入見伴使至南宮門外下馬北使至閣門內
上御紫宸殿六參官起居北使見畢退赴客省茶酒
遂燕垂拱殿酒五行惟侍官以上預坐賜茶器名菓
明日賜生餼見之二日與伴使皆往天竺寺燒香上
賜齋筵次至冷泉亭呼猿洞而歸翼日賜內中酒菓

乃使三賜凡皆一穀正管四登以遣撰射日省畢風
易來節喪遺遣合三旦上百舟衣執致弩赴簽上藥
以迂人錢往金色三百餽中兩宿物政語伴王賜遺花
車正銀千北茶綾百段上副赤爲就六使津酒大錫
又副帛緒境器羅馬金下使岸次朝亦園食臣赴
發使錢副使千兩五六酒節八次賜燕辭如燕內就
白及貨八百及銀兩百匹器皆八日燕晚賜射中驛守
軍三有百三酒段生六賜十近龍赴襲之酒弓中驛
四節差又緡節器馬辰事銀兩兩臣鳳解衣金行矢賜
百人皆舊二節萬兩匹而袋一盞又云自和戎後金
護乘例百兩錦往返皆遷一紹正旦朝對羅紗人
送馬南兩錦綺千匹紹興以來
縣後使入北境北遣使
令以南境北遣使
皆人境北遣使
迎不習騎
迂於境

上至開封乃賜御宴真定又賜之常使至燕京寓於
來遠驛若泛使則居甯遠驛趙翼劄記云宋之於金
歲幣外每金使至又有餽贈大使金二百兩銀二千
兩副使半之幣帛稱是此例廟堂之上亦知之故路
伯達使宋回上所得禮物多至推排物力時自伯達傳梁肅
使宋回以所得禮物多至推排物力時自伯達傳梁肅
見肅傳金使至夏國者夏國餽贈視詔書幾道為多
寡完顏綱為賜夏國生辰使章宗特命賁三詔以厚
之見綱傳而伯達傳賁曰受歲幣禮也使至燕享
亦禮也納其賄可乎乃習以為常莫有知其非者

等以臣宋詔天下乙卯賜宋誓詔秋八月丁卯詔歸

朱弁張邵洪皓於宋攷異繫年要錄云中興奉使凡三十人

守易王所阻賴吉祥宋尋遣使來謝自是信使不絕

攷異繫年要錄載宋報書畧曰上穹悔禍副生靈順

治異繫年要錄載宋報書畧曰上穹悔禍副生靈順

事敢忘莫報之深恩程克俊筆也岳珂程史云金酋

尤尤以前次赦文不歸德其國明年復起兵陷各地

金史紀事本末

卷七

三

後二年和議成檜以孽子熺及其黨程克俊當制其
末曰申遺使輅許獻諫盟好來存歿者萬餘里慰契
澗者十六年禮備送終天啟固陵之吉壤志伸就養
日承長樂之慈顏於是郵傳至四方遺黎讀之有泣
者蜀士劉望之作詩曰一紙盟書換戰塵萬方呼舞
却沾巾崇陵訪沈空遺恨郢國憐懷尚有人收拾金
繪煩廟算安排鍾鼎誦宗臣小儒
何敢知機事終望君王赦奉春
九月壬辰詔給天

水郡王子姪瑁天水郡公子俸給

攷異交聘表云十
二月宋使上表謝

歸三喪及母韋氏正使爲參政王次翁副使爲德慶
節度錢恂又遣參政萬侯高爲報謝使榮州防禦邢
孝揚爲副表失載見錢大昕集王明清揮塵後錄云
時皇太后南歸遣王次翁韋淵往迓后恐事變貸金
使金三百星犒從者及境索還次翁以未得檜指不
允留三日人情洵洵王暎代償乃得發后歸泣訴上
欲誅次翁檜因遣出使以避之卒得免潘永因宋稗
類抄云次翁字慶曾後罷職奉祠居四明檜憐之餽
問不絕歿後贈卹加厚檜居政府二十年始終不二
者只慶曾一人時金取趙彬等三十人家屬詔歸之

洪皓曰昔韓起謁環於鄭鄭小國也能引義不與金
既陷淮官屬皆吳人宜留不遣彼方困於蒙兀姑示
強以嘗中國若遽從之則知我虛實謂秦無人益輕
我矣猶變色曰公無謂秦無人又云靖康之變柔福
帝姬隨北狩建炎四年有女子詣闕稱爲柔福帝姬
隨北歸詢宮禁舊事畧能言彷彿詔入宮授福國長
公主下降高世榮汪鵬溪行制詞云彭城方急魯元
嘗困於面馳江左既興益壽宜充於禁鬻資粧一萬
八千緡後顯仁太后回鑾言柔福死沙漠久矣付詔
獄訊之乃一女巫也前后給賜四十萬九千緡遂
伏誅熊克小紀云女巫乃阿吉本乾明寺尼法名善
靜北去逃歸詐稱柔福遣宣政馮益宗婦吳心兒識
認收入至是益心兒坐編管外州時復命沈昭遠王
公亮賀金生辰楊愿何孝良賀正旦嗣後宋使賀生
辰正旦交聘表均未書姓名周密宮論功受賞時選
初葬五國城迨梓宮還寓龍德別宮論功受賞時選
人賜書執政李光以眞僞未辨左宣義郎王之
道官請用安陵故事梓宮入境卽承之入柳
免輩衣於櫛中不改斂遂從之近者楊髡發

史紀事本末 卷七

天

諸陵於徽陵止有杉木一段欽陵則木燈檠一事耳
蓋二帝遺骸飄流沙漠初未嘗還也悲哉李心傳朝
野雜記云顯仁韋后開封人高宗母也北遷時遙尊
爲宣和皇后及歸居慈寧殿崩年八十季弟淵封平
樂郡王姪孫璋明州觀察使憲節邢后祥符人父煥
慶遠節度追封安王后北遷遙册爲后及歸將壓境
而崩初孟后在建康有司月奉千緡顯仁歸歲奉錢
二十萬緡帛二萬餘匹後高宗在德壽月供十萬緡
兵興減六萬緡孝宗在重華月供三萬緡宋神類抄
又云時顯仁韋太后還欽宗挽其裾曰當語九哥吾
南歸但爲太乙宮主足矣他無望也后與誓苟不來
迎替吾目歸見時事不敢言未幾目失明誓募得道
士左翳復明更求治其右道士謂其目失明誓募得道
然起拜拂衣去上命跡之無所得乃靈仙觀朱仙也
後王剛中帥成都圖朱仙像儼然當曰岳飛死獄矣
歸至臨平問何不見大小眼將軍或曰岳飛死獄矣
遂怒帝欲出家乃服道衰終身焉潘永因曰當是金
人畏飛傳其狀貌后習聞之耳不知后北轅時飛尙
未知名也中興小紀后在北方聞韓世忠名召至簾
前曰此爲韓相公耶慰問良久袁文襄隔閭評云南

及前士夫燕服止是冠帶惟下吏便趨走則服紫衫
興未因臣僚言悉改服涼衫純白之衣未幾顯仁升
還亦其驗已後又以涼衫近喪服仍用紫衫至今不
我亦未嘗有言宜仍用冠帶者可歎也又南渡前軍州
非古皆用緋白紹興末忽變為皂色用墨汁染成殊
意

四年春正月癸丑朔宋遣使來賀己未以宋使王倫

為平州轉運使既受命復辭罪其反覆誅之攷異繫

治宋史就正編謂金史五行志是年未書地震而沈世
失實然熙宗紀是年十月河朔地震乃五行志失書
其與十四年七月倫居河間六年金欲用為平蔡三
得之以歸上嘗語宰執曰倫雖不矜細行乃能死節
此為難也歸骨在立冬上語在十月述後乞外任添

金史紀事本末卷七

三

差平江府通判薛應旂通鑑云光宗紹熙元年十二
月賜王倫諡曰節愍湘山樵夫紹興正論時力排和
議者張浚趙鼎胡銓胡寅連南夫張戒常同呂本中
張致遠魏矼張絢曾開李彌遜晏敦復王庶毛叔度
范如圭汪應辰許忻方廷寶韓訓陳鼎馮時行洪皓
沈長卿陳康伯張燾陳括陳剛中均坐貶謫見北盟
會編按靖康初不主和者李綱而岳飛終身不主和
議被禍尤烈均未載汪應辰當海陵敗盟後獻復和
策宜削而不書又南宋書尚有尹焞蘇符薛徽言方
廷實胡珵朱松張擴凌景夏常明張九成喻樗樊光
遠元盟梁汝嘉樓炤亦失載趙彥衛雲麓漫鈔云韓
紉字子禮紹興八年任潭州判官上書論和議之非
知州李昭祖得其副本申朝廷得旨韓紉小官動
搖國是編管循州後爲將官韓京所陷舉家死

金史紀事本末卷七

金史紀事本末卷八

馳封資政大夫特賞內閣中書前江西峽江訓導萍鄉李有棠編纂

張邦昌之僭

太宗天會四年卽宋欽宗靖康元年也春正月癸酉

南京路都統宗望

原作幹
離不

圍汴宋使李稅來謝罪且

請修好許之宋以康王構少宰張邦昌爲質等遣歸

師還

致異宏簡錄云邦昌字子能東光人登進士累官大司成政和末改禮部侍郎阿時所好歷尙

書

左右丞中書侍郎欽宗立拜少宰進太宰門下侍

郎質於金幹離不以斫營事責之對曰非朝廷意乃

免還爲河北割地使上書者目爲社稷賊坐貶中太

乙宮使中興姓氏錄云邦昌嘗以工部尙書使高麗

會國王死國人權立邦昌爲國王後詔還之與童貫

議事不合面折其短及再領軍取燕山邦昌建議止

金史紀事本末卷八

其行洪邁夷堅志云邦昌以中書舍人使高麗至明
州謁東海廟夜夢神告曰他日至中書侍郎但不可
爲秉國大夫後果敗績綱目云邦昌臨行邀帝署御
批無變割地議不許遂與康王乘筏渡濠自午至夜
始達金營未幾肅王及曹展往乃得還所載較詳靖
康要錄云元年正月七日制曰股肱之起元首庸聞
帝舜之歌舟楫之濟巨川備載高宗之命率求雋望
式贊鴻圖在考慎以惟精願登庸之敢後誕揚字號
明告治廷通奉大夫守中書侍郎張邦昌識敏而器
安才全而學博潔於行已保禮義廉恥之四維端以
立朝茂正直剛柔之三德粵登臚仕亟告嘉猷念天
步之方艱憂民心之未定允資厭難尤賴協恭是用
擢升揆亞之崇進貳上台之重仍兼官於鳳沼俾亮
采於龍池併衍爰田申加眞食庸昭異數益示殊私
以朕初載論相之明爲爾盛年得君之寵於戲枚寗
中外矯情當慕於謝安鎮服遐守正宜師於裴度
欽承子訓益懋乃恭可少宰兼中書侍郎三月三日
制曰難進易退允高君子之風崇舊優賢實重公朝
之義誕揚用命敷告治廷光祿大夫太宰兼門下侍
郎張邦昌知沈而識精器博而用遠早登禁路廷臣

無出其先久預政機天下實受其賜嘉有功於社稷
俾正位於台衡丙吉有聲獨擅邊書之對王商多贊
能嚴漢相之威念其素行之勤處以真祠之逸升華
祕殿庶便於諮詢倍賦爰田用昭於物采於戲留侯
知足願還人事之勞南仲將歸毋憚簡書之急其
全明哲以保功名可觀文殿大學士太乙宮使

秋八月庚子左副元帥宗翰

原作粘罕

右副元帥宗望復

侵宋冬閏十一月丙辰克汴城十二月癸亥宋帝降

五年春正月癸巳宗翰等以宋帝降表來上知樞密

院事劉彥宗請復立趙氏不聽二月丙寅詔降宋二

帝爲庶人

攷異畢沅續通鑑云金以金銀不足欲縱兵入城大索宗彥諫而止東都事畧云同

知密院孫傳果狀請少帝復位及另擇神宗二子立之若立異姓必不服從南宋書云金令吳玠莫儔來推立異姓留守孫傳等請立趙氏金怒却傳等議立邦昌傳與張叔夜不署狀執赴軍前秦湛回天錄云

金史紀事本末卷八

二

吳開與入內都知李石齋文字來宋史紀事本末云
二月翰林承旨吳開尹王時雍問於開傳二人微言敵
衆莫敢出聲開封尹王時雍問於開傳二人微言敵
意在張邦昌三字議乃決太常寺簿張浚開封士曹趙鼎
張邦昌三字議乃決太常寺簿張浚開封士曹趙鼎
員外胡寅皆逃入太學不書名唐恪附傳謂恪聞議立
仲秦檜不從金怒執檜去實錄恪附傳謂恪聞議立
異姓卽仰藥自殺先事而死恐誤繫年要錄云後齊
愈棄市制詞曰所幸探符之未獲奈何援筆以遽書
遺毒至今造端自汝當書狀時有奉直大夫冠庠朝
請卽高世彬獨異議大勸喻汝礪吳給王庭秀皆致
仕去靖康要錄云開傳以議狀往畧曰准元帥府牒
限十靖康要錄云開傳以議狀往畧曰准元帥府牒
上膺圖錄下有勲德在民或雄強近古受命之主必
有大材畧因而霸有天下方爲人所樂推今本國臣
僚如孫傳等召自外方被用日淺率皆驚下迷悞趙
氏以至亡國若備屏藩必至變亂上負選用之意伏
望元帥台慈體念乞於軍前選命邦昌以治國事如
軍前別有道德隆茂爲天命所歸者乞賜選擇則本
國臣民敢不推戴其日早於宣德樓曉示取班簿具

在京官員各衙以報吳曾能改齋漫錄云齊愈字文淵有官詞云禁城春水碧溶溶洗出飛花萬片紅葉上和看第一一字可知無女怨春風并傳鳥程人皆進士及第第一時雍蜀人附王黼得進鼎字元鎮解州聞喜人贈太傅豐國公諡忠簡伸字時中東平人以薨汪黃貶濮州卒檣字會之江寧人死奪王爵諡謬號三月丁酉立宋少宰張邦昌爲大楚皇帝攷異宋本末云金遣邦昌北向拜舞受冊升文德殿受賀是日風霾日暈無光百官慘沮獨時雍并傳等欣然以爲有佐命功時雍權知密院領尚書省并同知儔簽書呂好問領門下省徐秉哲權領中書省時猶未以帝禮事唯時雍每言事稱臣政陛下北盟會編云軍器少監王紹草推戴表先敘金主畧曰道合三光功高九有惇德允元智將幾於虞帝弔民伐罪義實過於周王及叙邦昌曰惟大家宰相公識探天人學貫今古膺大國褒崇之禮希前王至盛之功可治國事以主斯民趙姓之遺史載金冊文曰無德而王故天命假於我手當仁不讓知歷數在於爾躬岳珂程史載金立邦昌冊曰維天會五年歲次丁未二月辛亥

朔二十有一日辛巳皇帝若曰朕惟我太祖武元
帝肇建區夏務安元元肆朕纂承不敢荒怠風夜
兢思與萬國格於治粵惟有宋實乃通隣貢歲幣
交權馳星輅而講好期於萬世永保無窮蓋我有
造於宋也不圖變誓渝盟以怨報德開端招禍反
爲仇今者國旣乏主民宜混同然念厥功誠非貪
遂命帥府與衆推賢僉曰太宰張邦昌天毓疏通
資審哲處位著忠良之譽居家聞孝友之名實天
之有歸仍人情之所侯擇其賢者非子而誰是用
使備禮以璽綬實冊命汝爲皇帝以援斯民國號
楚都於金陵白黃河以外除西夏封圻疆場仍舊
輔王室永爲藩臣貢禮時修勿疑於述職間音歲
無緩於披誠於戲天生蒸民不能自治故立君以
之君不能獨理故設官以教之乃知民非后罔治
非賢不守其在位者可不謹歟予懋乃德嘉乃不
日敬一日雖休勿休欽哉其聽朕命僞楚錄載有永
手詔曰洪惟非常之變適遭會於斯時當冀有永
圖訖救甯於區夏庶幾多士共識予懷吳曾能改
浸錄云邦昌知汝州日百姓狀有曰乞上命指齊
繫之獄朝命杖之後竟有援此爲開國之祥者

昌逆跡昭然後見勤王兵集家屬拘縻廬州方議復
辟宣贊舍人吳革起兵救駕范瓊左言誘殺之并其
子及使臣百餘人革字義夫華陽人國初佐命廷祚
七世孫見宣和錄好問字舜徒希哲子繫年要錄云
時邦昌弟邦基通判廬州邦昌母及妻子均在焉江
淮遷副向子諶檄馮詢范冲拘之奏聞史多未載
夏五月師還丙戌宗翰宗望以宋二帝北歸康要錄
云邦昌求免宣索致書金營曰冒承禘禮願展謝棕
雖慙貢於忱詞終未親於台表退增感悚豈易敷陳
非民何以守邦坐觀轉壑之憂不啻履冰之懼與其
跼天踏地莫救於黎民曷若歸命竭誠仰干鴻造
伏念察其懇迫賜以矜容特寬冒昧之誠誕布獨除
之惠不幸被始終之德遂全億兆之生不報等下令不
御殿不朝百官引對羣臣於延東殿小軒言必呼名
飲食居處不用天子禮宋史紀事本末云金人將還
邦昌祖道服赭袍張紅蓋所過設香案起居時雍等
從士庶感愴因目時雍為賣國牙郎通鑑輯覽云
傳為金人須索朝往暮還人皆稱為捷疾鬼邦昌令

譚世勣李熙靖直學士院皆卧疾不起憤卒時工侍
何昌言與弟昌辰皆避諱改名獨徐俯置婢名昌奴
客至則呼前驅使之世勣字彥成長沙人熙靖字子
安常州晉陵人德裕裔俯字師川洪州分寧人禧子
時不受僞命者博士孫達發疾卒秦湛回天錄云或
勸肆赦好問曰赦書日行五百里今四城之外並是
番人欲赦伊誰況公權攝當侯復辟邦昌然之而趙
姓之遺史載赦文曰天下承平幾二百年載百姓樂
豈復知兵姦臣首結邊難招致禍變城守不堅越在
郊野子以還車橫見推逼有堯舜之揖讓無湯武之
干戈四方之廣弗通者半年京城之揖讓無湯武之
從宜康濟庶極危難云云靖康要錄有云既自殘而
弗獲乃忍死以救民言念生靈係心宸翰道路阻音
郵之達吏民無詔令之言承想其憔悴之憂同此危
之急倘不深求於民瘼豈能安濟於遠圖潘承因宋
用舒陞陞庶丞臻於甯謚以終究於遠圖潘承因宋
稗類抄云顏博文作赦書畧曰無德者亡知謳歌之
已去當仁不讓信歷數之有歸無非吠堯之辭聞者
駭愕邦昌傳均未載陸游老學菴筆記云買公望昌
朝孫晚守泗州翁彥國勤王不進面叱之且約不復

餉其軍彥國愧而去及張邦昌僞赦至率郡官哭於
天慶觀聖祖殿而焚其赦書僞命卒不能越泗而南
所試才一郡而所立如此許頴間謂之賈大夫云又
云靖康未括金賂虜詔羣臣服金帶者權以通犀帶
易之獨存金魚又執政則正透從官則倒透至建炎
中興朝廷草創猶用此制呂好問爲右丞特賜金帶
高宗面諭曰此帶朕自視上方工爲之蓋特恩五月
也紹興三年兵革粗定始詔依故事服金帶
庚寅朔康王卽位於歸德欲留兵衛邦昌好問力阻
止因謂邦昌曰相公欲眞立耶抑姑塞虜意而徐爲
圖也邦昌愕然乃曰爲今計當迎元祐皇后請康王
早正大位庶獲保全御史馬伸亦具書勸之邦昌氣
沮乃尊元祐孟后爲宋太后居延福宮册詔畧曰當
念宋氏之初首崇西宮之禮蓋用太祖迎周太后入
西宮故事南宋書云好問曰如此則人心疑懼矣乃
收回册詔靖康要錄云二月二十八日延寧宮火后
急就天漢橋南遇仙店門垂簾幕以避移居觀音院
回私第是夜白氣貫斗大風寒四月四日尊后手書
曰余世受宋恩身相前帝每欲舍生而取義唯期尊

主以庇民豈國禍變之非常以至君臣之易位既重
罹於羅網實難追於刀鋸外逼大國兵火之威內拯
黎元塗炭之命顧難施於面目徒自憚於夙宵村曰
之存趙孤惟初創之有合契丹之立晉祖考殊迹以
甚明載惟本朝開創之圖首議尊崇西宮之禮號同
母后國繫周朝茲為臣子之至恭以示邦家之大任
肆稽成命聿舉徽章云云李心傳朝野雜記云后洛
州人眉州防禦軍節度朱勝非秀水閒居錄云哲宗
兄子忠厚鎮漢軍節度以擊入窠者為勝錄云孟入
方擇后京城作打毯戲以擊入窠者為勝錄云孟入
紹聖間宮掖造禁縵有巫者姓孟獻新樣兩大蝴蝶
相對線以結帶曰孟家蟬民間競服及后廢處瑤華
宮人以為識蟬者禪也為出家之兆靖康出狩淵聖
欲留孟后為興復基本因遣人入城取物紙尾批與
辭與秉哲云趙氏注孟予相度分付金人以后廢歲
久無預時事不復取至是前識乃驗蓋孟入者兩復
入也兩御簾帷之應也可謂異人矣此次及苗劉之
亂要錄又云邦昌遣韓師愈蔡淑程異自陳諮目畧
曰邦昌伏自拜達已而北去所遭禍難不可備詳惟
王慈必蒙矜憫昨自燕山九月朔日金師再舉之後

有不聞耗至去冬臘月二十日還闕以今年正月十
五日到城外方知國難之酷主上蒙塵於郊凡使回
一行盡留不遣二月七日又聞宣金酋之令遂遷二
帝后妃皆出六宮遂定又欲洗城焚燒宗廟社稷百
萬生靈分爲魚肉俾推異姓方免屠城奪奉少帝御
筆付孫傳等令依指揮方爲長計茲時公卿大臣號
勸軍前以救君父而邦昌對二太子哀號躡踊以身
投地絕而復蘇虜執酋命終莫能回度非口舌可爭
則以首觸柱求死不能忍劉彥宗資城中文字與開
儔俱至對衆詞責不復飲食凡六七日垂死而百官
陳述禍福力勸從權以濟大事故遂隱忍於此茲幸
虜騎已還道路可通故差師愈賁此以明本心伏惟
殿下盛德在躬四海係望願寬悲痛以幸臣民康王
復書畧曰天降大禍不使某前期殞滅而使聞君親
之流離見宗族之蕩覆肝心摧烈涕洟不禁窮天下
之楚毒不足爲喻欲使引繩伏刃而二聖之鑒與未
復四方之兵馬方集將士忠憤責以大義欲忍泣忍
死力圖奉迎今兩河忠義之兵數踰百萬預使邀迎
率皆響應早夜以覲聞人音而矍然念與相公去歲
同處賊營從容浹日自謂知心故此來之事聞流言

而不信今奉教備陳始終有伊尹之志達周公之權
然後知所期之意忤忤愕眙失措其何敢承願皆藏
遣謝克家之守者候鑿與歸而上之九廟之不毀生靈
內府責在公之功也某方身率士卒圖援父兄願相
之獲全相公之迎二聖復還中都克終伊周之志某
公協忠盡力奉迎而死矣氣令漸熱動止康裕方寸某
身膏賊斧受賜而爲成忠郎黃永錫邦昌以待大王孔
亂修謝不多使臣爲忠郎黃永錫邦昌以待大王孔
吳何及國舅章淵往大約言封內府庫以待大王孔
子曰子在回何敢死邦昌所不死者以君王之在外
也王喜悅何向與王同使金營召飲酒敘舊不忘孟
后勸進文畧云正惟閔廢之餘當此危亡之際宵居
寵數誠亦何心而百官建言請權聽政然神器久虛
必須真主今中外近屬惟王一人矧忠勇英明四方
屬望入繼大統非王而誰王其速驅輿衛入處宸居
上以安九廟之靈下以弭四方之變又迎立詔云吾
以薄德罹此多艱雖救時敢愛於髮膚而昧道若臨
於淵谷顧邦基之攸賴繫神器之有歸比遣使輶往
馳書牘蓋上天之眷命實四海之傾心諒惟撥亂之
姿已定興王之業方長羸之應序宜祉福之具膺於

來御於法宮以誕揚於丕號羣欣攸屬遐想增懷故
茲書示想宜知悉康王至虞城邦昌劄子伏見謝克
家自元帥府回恭聞車駕自濟州由金鄉單父徑至
南京卽藝祖受命之邦嗣王朝無疆之歷天人合應
以政中興凡在臣民不任忭蹈所有合排辦儀物百
官有司各以其職並合發赴南京以候冊立禮畢遂
開朝廷以出號令臣猥以驚下承乏宰司當躬率百
官赴行在所欲於今月二十五日起發前去庶伸翊
戴之誠以請權宜之罪云云康王榜近者金師深入
奄及郊畿京城失守二聖播遷欲立異姓覆我宗社
賴大臣因時權宜濟此艱危因是以存九廟保全生
靈實社稷之大計乃心可嘉深慮百官將士并諸色
人尙懷疑慮曉諭各宜知悉續綱目云遣人至濟州
訪康王會宗室子松起兵移書訶斥使其反正并曉
王時雍等乃遣謝克家往奉迎時雍日駢虎者勢不
得下所宜熟慮臍膺無及秉哲從旁贊之均不聽克
家至勸進王不許宗澤請亟行天討好問亦遣人來
言大王不自立恐有不當立而行天討者邦昌遣蔣師愈
持書自陳復使克家與韋淵奉寶詣濟州奉孟后垂
簾聽政以馮濟爲奉迎使退居資善堂后命太常少

卿汪藻草手勅俾王嗣統曰此以敵國興師都城失
守侵經宮闕既二帝之蒙塵誣及宗祏謂三靈之改
卜衆恐中原之無統姑令舊弼以臨朝雖義形於色
而以死爲辭然事迫於危而非權莫濟內以拯黔首
將亡之命外以紓鄰國見逼之威遂成九廟之安坐
免一城之酷乃以衰癯之質起於閒廢之中迎置宮
闈進加位號舉欽聖以還之典成靖康欲復之心永
言運數之屯坐視邦家之覆撫躬獨在流涕何從知
惟藝祖之開基實自高穹之眷命歷年二百人不知
兵傳序九君世無失德雖舉族有北轅之釁而數天
同左祖之心乃眷賢王越居近服已徇羣情之請俾
膺神器之歸繇康邸之舊藩嗣宋朝之大統漢家之
厄十世宜光武之中興獻公之子九人唯重耳之尙
在茲惟天意夫豈人謀尙期中外之協心同定安危
之至計庶臻小惕同底丕平用敷告於多方其深明
於吾意王至應天府邦昌來見伏地請死既卽位拜
太保封同安郡王一月兩赴都堂決大事北盟會
編云胡舜陟亦上劄子乞正名位大金國志云邦昌
勸進表畧曰使生靈維顧以無歸雖溝瀆自經而何
益輒學周勃安劉之計庶幾程嬰存趙之心僭位凡

三十三日李綱論異姓建都四十餘日所載各異藻
字彥章饒州德興人舜陟字汝明續溪人潘永因宋
裨類抄所載以大寶奉上表云孔子從佛胖之召意
在尊周紀信乘漢王之車誓將誑楚又云神宗幸秘
書省見江南李主像人物儼雅再三歎訝而徽宗生
生時夢李主來謁然其文采風流過李主百倍及北
狩女真亦用江南國主見藝祖故事又徽宗夢錢王
乞還兩浙甚急明日與鄭后言夢亦同頃來報章妃
謾高宗既三日徽宗戲如日酷似潮臉蓋如籍開封
原占於湖亦遂成南渡之議云又云宣和中燕諸王
於禁中高宗困酒小憩幄次徽宗揭簾見金龍丈餘
蜿蜒榻上以爲天命因異待焉後顯仁皇后在沙漠
嘗用象戲局子裏以黃羅書康王字貼於將上焚香
禱曰今三十二子俱擲於局若康王字入九宮者必
得大天位一擲果然后喜甚卽具奏徽宗罪張邦昌以
隱事殺之太宗聞之大怒詔元帥府南侵宋帝走揚
州政異續綱目云李綱拜右相入朝力言邦昌僭逆
不可留貶昭化軍節度副使潭州安置薛應旂通

鑑云九月邦昌伏誅初邦昌僭居禁中華國靖恭夫
人李氏以菓實相贈遺一夕被酒李氏擁之以進
半臂加其身掖入福寧殿夜飾養女陳氏以進
還東府私送之語斥乘輿事聞下於獄詞伏詔馬
至潭州數其罪賜死畢沉續通鑑云邦昌讀詔不
自盡共逼之乃登平楚樓自縊蔡條百衲叢談云
於平楚門下官舍王明清揮塵錄餘話云平楚樓
天寧寺潘永因宋稗類抄云平楚樓蓋取唐沈傳
詩目傷平楚虞帝魂之句時邦昌不能引決仰首
覩三字長嘆就縊陸游老學菴筆記云邦昌既死
旨賜其家錢十萬於所在勘支曾文清爲廣東漕
其券繳奏曰邦昌在古法當族誅今貸與之生足
乃加橫恩如此朝廷何以待仗節死事之家詔自
勿與余銘文清墓載此事及刻石乃削去可恨陳
隱漫錄云真西山嘗承旨令述太乙宮明禋祈晴
醮青詞曰我將我享爰有事於明堂載禱載祈肅
忱於楚帝上自改爲上帝楚邦昌逆號也凡代王
不可不謹宏簡錄云李氏坐杖脊配軍營務揮塵
錄作彭氏云道君在藩邸納爲妾慧黠因小故出
聶氏婦及卽位復召入北狩時以無名位免續通鑑

云王時雍徐秉哲吳開莫儔李擢孫觀初坐黨逆安
置高梅永全柳歸州後因李氏事併誅之南宋書云
顏博文草偽詔王紹勸進文九悖逆胡思撰赦文犯
濫王莽陳冲洪芻張卿材李彝夏承周懿文皆搜括
金銀寶貨侍兒淫鄭紳家婢取宮人鞭笞德皇后親妹
不送及黎確陳戩盧襄李會李健范宗尹皆從貶黜
迨宗尹為相諸人皆復原職靖康要錄云王時雍集
百官作推戴表王紹草之李綱靖康傳信錄云王及
之坐舊衙宅門詬罵諸王余大均誘取宮嬪為妾外
范頊馮淵李回皆坐貶趙子崧奏劾國賊十人鄧肅
請分五惡三惡次第竄逐潘良貴請三等定罪外又
有朱宗曹輔胡舜陟胡唐老齊之禮姚舜明王俱皆
坐嘗為邦昌官貶秩宋史良貴字子賤金華人宗尹
字覺民襄陽鄧城人子崧字伯山燕懿王後官延康
殿學士初起兵勤王後坐貶南雄州卒趙翼劄記云
靖康之變朝臣多汚偽命高宗以鄧肅在圍城中目
擊其事令肅陳奏肅請分三等以定罪以待制而為
偽朝執政者置一等乃時雍秉哲開儔李擢孫觀初
問共六人見肅傳乃好問傳不載其從逆反備書諫

阻邦昌毋于大位及趣邦昌遣使迎高宗等事史亦
未免廻護也熊克小紀云肅沙縣人官鴻臚主簿宣
和間因進花石綱詩得名綱論水災謫沙縣監稅與
相善至是爲右正言呂本中雜說云肅因綱薦得官
汪伯彥薦爲右正言故傳會綱意時綱客胡瑄
晉陵人亦請分三等以次行戮綱罷編管梧州

金史紀事本末卷八